

Wapenrusting van God

Hulpmiddele by Les 3 – Skoene van Bereidheid

Idees vir flitskaarte en besprekings

Het jy al gesien hoe lyk 'n Graad Eentjie as hy/sy skool toe gaan? Dit lyk altyd asof die skoene hopeloos te groot vir die ou klein lyfie is!



Afrikaanse spreekwoorde oor skoene – kyk bietjie wat dit beteken en hoe jy dit kan gebruik

- Jy's te groot vir jou skoene
- Skoenmaker, hou jou by jou lees!
- As die skoen jou pas, trek dit aan

Feite oor skoene:

- Verskillende skoene vir verskillende take / geleenthede / gebruike / tye
- 'n Mens gebruik ook nie een soort skoen vir alle soorte take en by alle geleenthede nie
- Verskillende mense hou van verskillende soorte skoene

Speel-speel:

Jy kan flitskaarte maak met prentjies van die verskillende tipes skoene en dit gebruik as besprekingspunt – waarvoor sou dit gebruik word / deur wie / wanneer?

Flitskaarte – hoe maak jy dit?

- Sorg dat al die kaarte dieselfde grootte is (by PNA / Forum kry mens klaargesnyde kaarte wat lekker hanteer)
- Manipuleer die prentjies om op jou kaarte te pas
- Skryf agterop vir jou 6 vrae / besprekingspunte neer, afhangend van waarvoor jy hulle wil gebruik

Voorbeelde van vrae (moontlike antwoorde in hakies, maar moenie dit op die kaart skryf nie):

1. Watter soort skoene is dit? (dansskoene vir mans wat ballroom / tap doen)
2. Wie sou sulke skoene dra? (Fred Astaire)
3. Wat kan mens nie met hierdie skoene doen nie? (tuinwerk; bergklim)
4. Wat sê die skoene van die persoon wat dit dra? (hy is 'n man; hy is deftig; hy gaan dans; hy behoort aan die Mafia ☺)
5. Wat sou jou eerste woorde wees as jy so 'n paar skoene kan dra?
6. Wys hoe jy sal loop as jy sulke skoene aan het!

Die speletjie werk so:

Hou kaarte onderstebo en laat elkeen 'n kaart trek.

Gebruik 'n dobbelsteentjie – dit het mos kolletjies van 1 tot 6 op.

Dan begin jy by een van hulle en gee almal 'n beurt om die dobbelsteentjie te gooi. As die kind 'n 4 gooi, moet hy vraag 4 antwoord en so aan.

Geen vrae is op die stadium reg of verkeerd nie. Elkeen kan sy eie kreatiewe idees gee en ons speel dit vir die lekkerte!

Voorbeelde van skoensorte wat jy vir jou flitskaarte kan gebruik



Dansskoene; Fred Astaire; Mafia



Tuinwerkskoene / Kroks



cowboy boots



flip-flops / plakkies



Balletskoene




fancy kantoor- of uitgaanskoene



sokkerstewels



hansworsskoene



kabouterskoene



Romeinse Soldaat